

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA**

**OBRAĐIVAČ:**

**Služba za privredu i  
upravljanje razvojem**

**PROGRAM  
MJERA ZA UNAPRJEĐENJE PRIVREDE  
ZA 2019. GODINU NA PODRUČJU GRADA ZENICA**

**Zenica, februar 2019. godine**

Na osnovu Člana 13. Stav (2), Alineja (3) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), Člana 21. Tačka 5. Statuta Grada Zenica ("Službene novine Grada Zenica", broj: 5/15) i Člana 39. Poslovnika Gradskog vijeća ("Službene novine Grada Zenica", broj: 4/17), Gradsko vijeće na \_\_\_\_\_ sjednici, održanoj dana \_\_\_\_\_2019. godine, donosi

**PROGRAM**  
**mjera za unaprjeđenje privrede**  
**za 2019. godinu na području Grada Zenica**

**I OSNOVNE ODREDBE**

Program mjera za unaprjeđenje privrede u 2019. godini na području Grada Zenica (u daljem tekstu: Program) je provedbeni akt Grada Zenica koji osigurava da se planirana sredstva Budžeta Grada Zenica za 2019. godinu koriste na transparentan, specifičan i mjerljiv način u vremenski određenom periodu s namjerom da se kroz podsticaj doprinese, rastu i razvoju obrtničke i preduzetničke djelatnosti i omogući poboljšanje ukupnog životnog standarda na području Grada Zenica (u daljem tekstu: Grad).

Ovim Programom, uređuju se svrha i ciljevi Programa, korisnici i nosioci za provedbu Programom predviđenih aktivnosti, te uslovi za dodjelu sredstava.

Program će obezbijediti podsticaje za sufinansiranje projekata (poslovnih ideja) i zahtjeva obrtnika/preduzetnika koji su ranije registrovani na području Grada ili imaju namjeru da se registruju nakon objave ovog Programa odnosno javnog poziva.

Zahtjevi/aplikacije se podnose u skladu s procedurama predviđenim Programom, te javnim pozivom i na propisanim obrascima.

Svrha ovoga Programa je stvaranje povoljnog poslovnog okruženja za djelovanje preduzetnika i obrtnika.

Ciljevi ovoga Programa su:

- zapošljavanje nove radne snage i kreiranje novih radnih mjesta
- povećanje broja novootvorenih firmi i obrta
- promocija ženskog preduzetništva i ekonomsko osnaživanje žena
- unaprjeđenje samozapošljavanja i zapošljavanja, te poboljšanja općih uslova za razvoj i konkurentnost obrta, mikro, malih i srednjih preduzeća na području Grada
- razvoj preduzetništva mladih temeljenog na znanju i inovacijama

**II PERIOD REALIZACIJE PROGRAMA**

Sredstva namjenjena za podsticaj unaprjeđenja privrede kroz razvoj zapošljavanja i jačanje konkurentnosti privrede realizovat će se u periodu od dana donošenja ovog Programa do 31.12.2019. godine.

### III IZVORI SREDSTAVA ZA PROVOĐENJE PROGRAMA

Potrebna sredstva za provođenje ovog Programa planirana su Budžetom Grada za 2019. godinu („Službene novine Grada Zenica“, broj: 01/19), na ekonomskom kodu 614500 - Transfer privatnim preduzećima i preduzetnicima (sufinansiranje projekata, finansiranje obrta i preduzetništva) u ukupnom iznosu od 300.000,00 (slovima: tristotinehiljada 00/100 KM).

### IV KORISNICI

Korisnici sredstava iz ovoga Programa mogu biti mikro, mali i srednji subjekti male privrede definisani Članom 4. Stav (1), Tačka a), b) i c) Zakona o podsticanju razvoja male privrede („Službene novine Zeničko-dobojskog kantona“, broj: 7/2016), te registrovani obrtnici u skladu sa Zakonom o obrtu i srodnim djelatnostima („Službene novine Federacije BiH“, broj: 35/09 i 14/11) i to:

- koji su ili će biti registrovani na području Grada Zenica
- koji imaju karakter privatnog vlasništva
- koji imaju ili će imati najmanje jednog zaposlenog
- koji nemaju evidentiran dug po osnovu direktnih i indirektnih poreza i doprinosa
- koji nemaju evidentiran dug prema Gradu Zenica
- koji su predali godišnje finansijske izvještaje i nemaju iskazan gubitak
- koji obavljaju proizvodnu, proizvodno-uslužnu i uslužnu djelatnost

Korisnici ovog programa su i zaposlene i nezaposlene osobe koje se vode na JU Služba za zapošljavanje Zeničko-dobojskog kantona - Biroa rada Zenica, a koje pokreću svoj biznis (start - up projekti) u Gradu.

Pravo učešća na podsticaj po osnovu Programa **ne mogu ostvariti** sljedeći korisnici:

- |                                                                   |                                                                                                           |
|-------------------------------------------------------------------|-----------------------------------------------------------------------------------------------------------|
| - subjekti registrovani za obavljanje poljoprivrednih djelatnosti | - subjekti registrovani za obavljanje ugostiteljskih djelatnosti (izuzev za nabavku ugostiteljske opreme) |
| - domaća radinost                                                 | - fitnes centri                                                                                           |
| - finansijske institucije                                         | - taksisti                                                                                                |
| - subjekti registrovani za obavljanje igara na sreću, kasina      | - frizerski saloni i saloni za uljepšavanje (izuzev nabavke profesionalne frizerske stolice)              |
| - fizička lica registrovana za obavljanje dopunskog zanimanja     | - trgovac pojedinac                                                                                       |
| - trgovačke radnje                                                | - povezana lica (transferne cijene)                                                                       |

Prednost odabira korisnika po osnovu ovog Programa imaju obrti i preduzeća koja nisu koristila podsticajna sredstva Grada Zenica u 2018. godini.

Podnosilac zahtjeva za podsticaj može aplicirati samo na jednu od mjera/prioritetnih oblasti Programa.

## V NOSILAC PROGRAMA

Nosilac provedbe ovoga Programa je Grad, putem Službe za privredu i upravljanje razvojem, koja će jednom godišnje za prethodnu godinu sačiniti Informaciju o realizaciji Programa, te isti dostaviti Gradskom vijeću na razmatranje i usvajanje.

## VI MJERE I PRIORITETNE OBLASTI

Grad, u cilju unaprjeđenja privrede, za provedbu ovog Programa osigurao je sredstva za sljedeće mjere i prioritetne oblasti:

MJERA	Naziv mjere	Planirani iznos u 2019.godini (u KM)
<b>1</b>	<b>Podsticaj razvoja postojećih obrta, mikro, malih i srednjih preduzeća;</b>	<b>160.000,00</b>
1a	Podsticaj za zapošljavanje novih radnika	60.000,00
1b	Podsticaj za nabavku osnovnih sredstava i opreme	100.000,00
<b>2</b>	<b>Podsticaj za "Moj prvi biznis u Gradu Zenica – START UP"</b>	<b>60.000,00</b>
2a	Podsticaj samozapošljavanja i zapošljavanje kroz pokretanje i razvoj start up-a;	50.000,00
2b	Podrška start up firmama - novim korisnicima Biznis inkubatora	10.000,00
<b>3</b>	<b>Podsticaj za jačanje i razvoj ženskog preduzetništva</b>	<b>40.000,00</b>
3a	Podsticaj za zapošljavanje novih radnika	20.000,00
3b	Podsticaj za nabavku osnovnih sredstava i opreme	20.000,00
<b>4</b>	<b>Podsticaj za razvoj preduzetništva mladih</b>	<b>40.000,00</b>
4a	Podsticaj za zapošljavanje novih radnika	20.000,00
4b	Podsticaj za nabavku osnovnih sredstava i opreme	20.000,00
<b>UKUPNO:</b>		<b>300.000,00</b>

## OPIS MJERA I PRIORITETNIH OBLASTI

<b>Mjera 1.</b>	<b>Podsticaj razvoja postojećih obrta, mikro, malih i srednjih preduzeća</b>
Cilj	<ul style="list-style-type: none"><li>- stvaranje preduslova za očuvanje postojećih i otvaranje novih radnih mjesta</li><li>- povećanje nivoa produktivnosti i konkurentnosti - nabavka osnovnih sredstava i opreme</li></ul>
<b>Prioritetna oblast 1a</b>	<b>Podsticaj za zapošljavanje novih radnika</b>
Namjena	<ul style="list-style-type: none"><li>- subvencija poreza doprinosa za novozaposlene osobe</li></ul>
Korisnici	<ul style="list-style-type: none"><li>- postojeći obrti, mikro, mala i srednja preduzeća</li></ul>
Napomena	<ul style="list-style-type: none"><li>- aplikant može aplicirati za maksimalno 2 osobe koje će zaposliti nakon objave javnog poziva sa evidencije JU Služba za zapošljavanje Zeničko-dobojskog kantona - Biroa rada Zenica uz obavezno zadržavanje trenutnog broja zaposlenih</li></ul>

	- maksimalan iznos subvencije je 3.000,00 KM po osobi
Planiran iznos	60.000,00 KM
<b>Prioritetna oblast 1b</b>	<b>Podsticaj za nabavku osnovnih sredstava i opreme</b>
Namjena	<ul style="list-style-type: none"> <li>- kupovina mašina, alata i opreme za obavljanje djelatnosti (polovne i nove)</li> <li>- kupovina odgovarajuće informatičke opreme za rad (osim laptopa)</li> <li>- kupovina licenciranih IT programa</li> </ul>
Korisnici	- postojeći obrti, mikro, mala i srednja preduzeća
Napomena	<ul style="list-style-type: none"> <li>- aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije</li> <li>- iznos subvencije zavisi od veličine privrednog subjekta i to kako slijedi:</li> <li>- subvencija za mikro privredne subjekte iznosi do 50 % od ukupne investicije za koju se podnosi zahtjev</li> <li>- subvencija za male privredne subjekte iznosi do 35 % od ukupne investicije za koju se podnosi zahtjev</li> <li>- subvencija za srednje privredne subjekte iznosi do 20 % od ukupne investicije za koju se podnosi zahtjev</li> <li>- maksimalan pojedinačni iznos odobrenih sredstava je 5.000,00 KM, nezavisno o iznosu ukupne investicije za koju se podnosi zahtjev</li> </ul>
Planiran iznos	100.000,00 KM
<b>Mjera 2.</b>	<b>Podsticaj za “Moj prvi biznis u Gradu Zenica – START UP”</b>
Cilj	- podsticajem je predviđeno sufinansiranje pokretanja malih biznisa, društva sa ograničenom odgovornošću, obrt-a i srodnih djelatnosti koji su pokrenuli registraciju nakon 01.01.2019. godine
<b>Prioritetna oblast 2a</b>	<b>Podsticaj samozapošljavanja i zapošljavanje kroz pokretanje i razvoj start up-a</b>
Namjena	<ul style="list-style-type: none"> <li>- subvencija doprinosa za zaposlenu/samozaposlenu osobu za najviše 12 mjeseci poslovanja</li> <li>- kupovina mašina, alata i opreme za obavljanje djelatnosti (polovna i nova oprema)</li> <li>- kupovina informatičke opreme za rad (osim laptopa)</li> <li>- kupovina licenciranih IT programa</li> <li>- troškovi registracije poslovnog subjekta (osim osnivačkog kapitala)</li> </ul>
Korisnici	<ul style="list-style-type: none"> <li>- početnici koji prvi put registruju obrt ili društvo sa ograničenom odgovornošću nakon 01.01.2019.godine, sa sjedištem na području grada Zenice</li> <li>- aplikantima će biti osiguran trening iz oblasti preduzetništva koji se sastoji od 7 modula (generisanje poslovne ideje, istraživanje tržišta, pisanje poslovnog plana, marketing za mali biznis, finansiranje start-up-a, vještine prodaje i pregovaranja, koraci u registraciji obrta i društva sa</li> </ul>

	ograničenom odgovornošću)
Napomena	<ul style="list-style-type: none"> <li>- maksimalan iznos podsticaja za pokretanje obrta je 3.000,00 KM</li> <li>- maksimalan iznos podsticaja za pokretanja društva sa ograničenom odgovornošću je 5.000,00 KM</li> </ul>
Planiran iznos	50.000,00 KM
<b>Prioritetna oblast 2b</b>	<b>Podrška start-up firmama - novim korisnicima Biznis inkubatora</b>
Namjena	- subvencija poreza i doprinosa po osnovu zapošljavanja
Korisnici	- obrti i privredna društva koja se registruju nakon objave ovog Programa (isključivo proizvodne djelatnosti)
Napomena	- maksimalan iznos subvencioniranja troškova je 3.000,00 KM
Planiran iznos	10.000,00 KM

<b>Mjera 3.</b>	<b>Podsticaj za jačanje i razvoj ženskog preduzetništva</b>
Cilj	- podsticanje preduzetničkih aktivnosti žena, te promocija ženskog preduzetništva, ekonomsko osnaživanje žena uključivanjem u preduzetničku aktivnost
<b>Prioritetna oblast 3a</b>	<b>Podsticaj za zapošljavanje novih radnika</b>
Namjena	- subvencija poreza i doprinosa za novozaposlene osobe
Korisnici	- postojeći obrti, mikro, mali i srednji subjekti male privrede čije su vlasnice ili direktorice žene
Napomena	<ul style="list-style-type: none"> <li>- aplikantica može aplicirati za maksimalno 2 osobe koje će zaposliti nakon objave javnog poziva sa evidencije JU Služba za zapošljavanje Zeničko-dobojskog kantona - Biroa rada Zenica uz obavezno zadržavanje trenutnog broja zaposlenih</li> <li>- maksimalan iznos je 3.000,00 KM po osobi</li> </ul>
Planiran iznos	20.000,00 KM
<b>Prioritetna oblast 3b</b>	<b>Podsticaj za nabavku osnovnih sredstava i opreme</b>
Namjena	<ul style="list-style-type: none"> <li>- kupovina mašina, alata i opreme za obavljanje djelatnosti (polovne i nove)</li> <li>- kupovina informatičke opreme potrebne za rad (osim laptopa)</li> <li>- kupovina licenciranih IT programa</li> </ul>
Korisnici	postojeći obrti, mikro, mali i srednji subjekti male privrede čije su vlasnice ili direktorice žene
Napomena	<ul style="list-style-type: none"> <li>- aplikantica može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije</li> <li>- iznos subvencije zavisi od veličine privrednog subjekta i to kako slijedi:</li> <li>- subvencija za mikro privredne subjekte iznosi do 50 % od ukupne investicije za koju se podnosi zahtjev</li> <li>- subvencija za male privredne subjekte iznosi do 35 % od ukupne investicije za koju podnosi zahtjev</li> <li>- subvencija za srednje privredne subjekte iznosi do 20 % od</li> </ul>

	<p>ukupne investicije za koju se podnosi zahtjev</p> <ul style="list-style-type: none"> <li>- maksimalan pojedinačni iznos odobrenih sredstava je 5.000,00 KM, nezavisno o iznosu ukupne investicije za koju se podnosi zahtjev</li> </ul>
Planiran iznos	20.000,00 KM

<b>Mjera 4.</b>	<b>Podsticaj za razvoj preduzetništva mladih</b>
Cilj	<ul style="list-style-type: none"> <li>- uključivanje mladih u preduzetničke aktivnosti, stvaranje preduslova za veći broj održivih poslovnih poduhvata, te stvaranje novih radnih mjesta.</li> </ul>
Korisnici	<ul style="list-style-type: none"> <li>- postojeći obrti, mikro, mala i srednja preduzeća, u vlasništvu mladih do 35 godina</li> </ul>
<b>Prioritetna oblast 4a</b>	<b>Podsticaj za zapošljavanje novih radnika</b>
Namjena	<ul style="list-style-type: none"> <li>- subvencija poreza i doprinosa za novozaposlene osobe</li> </ul>
Napomena	<ul style="list-style-type: none"> <li>- aplikant može aplicirati za maksimalno 2 osobe koje će zaposliti nakon objave javnog poziva sa evidencije JU Služba za zapošljavanje Zeničko-dobojskog kantona - Biroa rada Zenica uz obavezno zadržavanje trenutnog broja zaposlenih</li> <li>- maksimalan iznos je 3.000,00 KM po osobi</li> </ul>
Planiran iznos	20.000,00 KM
<b>Prioritetna oblast 4b</b>	<b>Podsticaj za nabavku osnovnih sredstava i opreme</b>
Namjena	<ul style="list-style-type: none"> <li>- kupovina mašina, alata i opreme za obavljanje djelatnosti (polovne i nove)</li> <li>- kupovina informatičke opreme potrebne za rad (osim laptopa)</li> <li>- kupovina licenciranih IT programa</li> </ul>
Napomena	<ul style="list-style-type: none"> <li>- aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije</li> <li>- iznos subvencije zavisi od veličine privrednog subjekta i to kako slijedi:</li> <li>- subvencija za mikro privredne subjekte iznosi do 50 % od ukupne investicije za koju se podnosi zahtjev</li> <li>- subvencija za male privredne subjekte iznosi do 35 % od ukupne investicije za koju podnosi zahtjev</li> <li>- subvencija za srednje privredne subjekte iznosi do 20 % od ukupne investicije za koju se podnosi zahtjev</li> <li>- maksimalan pojedinačni iznos odobrenih sredstava je 5.000,00 KM, nezavisno o iznosu ukupne investicije za koju se podnosi zahtjev</li> </ul>
Planiran iznos	20.000,00 KM

## **VII REALIZACIJA PROGRAMA**

Za provođenje mjera predviđenih Programom, Služba za privredu i upravljanje razvojem će raspisati Javni poziv sa kriterijima koji su sastavni dio Programa. Postupak po Javnom pozivu provest će Komisija koju će imenovati Gradonačelnik. Komisija će biti sačinjena od predstavnika Službe za privredu i upravljanje razvojem, Agencije ZEDA i Udruženja poslodavaca Zenica.

Komisija će nakon provedenog Javnog poziva izvršiti vrednovanje i rangiranje pristiglih prijava, te sačiniti zapisnik i rang listu kandidata koji ispunjavaju propisane uslove. Gradonačelnik će dati saglasnost na sačinjenu rang listu.

Grad Zenica će sa odabranim kandidatima potpisati ugovore u kojima će biti regulisana međusobna prava i obaveze.

Ukoliko se planirana sredstva po mjerama i prioritetnim oblastima iz objektivnih razloga u cjelosti ili djelimično ne iskoriste, ista se mogu preusmjeravati unutar Programa.

U slučaju da se planirana sredstva ne utroše, Grad Zenica može ponoviti Javni poziv.

Kontrolu korištenja sredstava koja se dodjeljuju na osnovu Programa vršit će Služba za privredu i upravljanje razvojem i Komisija za provedbu Javnog poziva.

## **VIII STUPANJE NA SNAGU**

Ovaj Program stupa na snagu danom donošenja i objavit će se u "Službenim novinama Grada Zenica".

Broj:  
Zenica,

PREDSJEDAVAJUĆI  
GRADSKOG VIJEĆA ZENICA

**Goran Bulajić**